



## GRUPO MUNICIPAL SOCIALISTA DE AMES

### MOCIÓN

O Grupo Municipal Socialista no concello de Ames, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación esta MOCIÓN, en base a seguinte

### EXPOSICIÓN DE MOTIVOS

#### EXPOSICIÓN DE MOTIVOS:

Dende comezos do 2013 milleiros de pensionistas galegos, que perciben pensións de outros países (de momento parece que só do continente europeo), están sendo notificados pola Axencia Tributaria para que presenten declaracións complementarias da renda dende o ano 2008. Unha vez presentadas ditas declaracións complementarias a Axencia Tributaria procede a abrir o correspondente expediente de sanción por non ter cumprida a obriga de realizar a pertinente declaración da renda.

Estamos ante reclamacións de pensións de países como Alemania, Francia, Suíza, Bélxica, etc. nos que estarían exentos de tributar no caso de ter que facelo nos mesmos. Ademais pode observarse o carácter discriminatorio que existe, xa que un xubilado que perciba unha pensión integramente do sistema da Seguridade Social español **non estará obrigado** a presentar a declaración da renda se os seus ingresos non sobrepasan os 22.000 euros anuais. Sen embargo se percibe outra pensión por cotizar no extranxeiro e esta segunda pensión supón máis de 1.500 euros anuais o límite para non presentar IRPF baixa aos 11.200 euros anuais de ingresos. É dicir, un xubilado cunha pensión española de 1.000 euros/mes non presentaría IRPF, pero se ademais ten outra do extranxeiro de 125 euros/mes **si estaría obrigado a presentarla**.

As reclamacións que se están levando a cabo tras a tramitación dos expedientes están dando como resultado sancións cuxas cuantías son excesivamente elevadas, máis se temos en conta que os afectados son pensionistas; e, ademais dáselles uns prazos excesivamente curtos para afrontar o pago das sancións, ás que ademais hai que sumarles a cuantía derivada das declaracións complementarias.

Todo isto deriva da enorme confusión existente entre os propios xubilados á hora de saber da súa obriga ou non de facer a declaracións, ao que hai que engadir nalgúns casos, tal e como denuncian varios afectados e afectadas dunha insuficiente e errónea información tanto por parte de entes privados como incluso de entes de carácter público.

Por outra banda, tal e como se demostra nos últimos tempos, sempre son os máis desfavorecidos e as persoas con menos recursos económicos os que están sendo perseguidos e vixiados mentres vemos todos os días como hai persoas que defraudan á facenda pública con contas en Suiza ou noutros paraísos fiscais, cobran sobresoldos que non declaran, agachan ingresos e/ou beneficios económicos deliberadamente, ou poden acollerse a unha amnistía fiscal, etc. e non lles pasa absolutamente nada. Nembargantes acosan e persiguen a milleiros de pensionistas que estiveron emigrados moitos anos da súa vida para poder sacar a súa familia adiante; e, desgraciadamente, moitos destes pensionistas afectados xa foron estafados anteriormente polas preferentes e as subordinadas.

Ante esta situación, que está xerando unha grave alarma nas persoas pensionistas e dado o elevado número de emigrantes que tivemos e volvemos a ter en Galicia, o Grupo Municipal dos Socialistas de Ames presenta a seguinte proposición non de lei para o seu debate en Pleno:

**O Concello de Ames insta a Xunta de Galicia a:**

- Que tendo en conta as actuais circunstancias de recesión económica, os altos niveis de desemprego e o empobrecemento das familias, moitas das cales dependen para a súa supervivencia dos ingresos mensuais destes pensionistas nos seus fogares, solicitar do

Gobierno de España que na inspección que se está dirixindo por parte da Axencia Estatal da Administración Tributaria a pensionistas que teñen pensións do extranxeiro adopte as seguintes medidas:

1. Regularizar a situación dos pensionistas sen consideralos como defraudadores fiscais, ofertando información pormenorizada e homoxénea das súas obrigas fiscais.
2. Habilitar, para o caso de que teñan que afrontar pagos polas súas declaracións complementarias, períodos de pagamento máis longos que os estipulados habitualmente, en aras de evitar un quebranto económico nas unidades familiares destes pensionistas.
3. Eximir de ser legalmente posible do pago de sancións e intereses de demora a aqueles pensionistas que regularicen a súa situación fiscal.

Ames, 13 de Setembro de 2013



Asdo. José Miñones Conde  
Voceiro do Grupo Municipal Socialista

SR. ALCALDE-PRESIDENTE DE AMES